

Sinahi
Tiningi: V. Reyes

Sinahi

Ni lamlam minalak gi langhet
(Shining brightly in the sky)
Umesgaihon i hinanao-ta
(Guiding our journey)
Ta tattiyi i inina
(We follow the light)
Ta akikihom hâfa guaha
(Embracing what is)
Binaban korason ni hâfa mamaila
(Hearts open to what's to come)

Ta Hungok
Ta Li'e'
Ta Siente
Manchinalalani hit mo'na ni' minataknga

Sinahi
Chumalalamlam i kinalamten i tasi
(The shimmering currents of the ocean)
Ha na'fañetton hit
(Connects us to all that is)
Ha chalâni hit para i tano'-ta
(Leading us home)
Numa' e'eyak hit manginen amanu hit
(Learning from where we've been)
Sanghe na châlan lao parehu na hinanao
(Separate paths but same direction)

Ta Hungok
Ta Li'e'
Ta Siente
Manchinalalani hit mo'na ni' tinangga

Sinahi
Nina'suasubi i inekungok i hinalom tasi
(Comforted by the sounds of the tides)
Sinesettan i hinanao yan i fininon i lina'la
(Surrendering to the eb's and flow's of life)
Achokka' guaha inakontra, guaha ginanna
(Despite challenges, there's triumph)

Achokka' guaha fuet na minalago, guaha animu
(Despite desperation, there's hope)
Achokka' guaha mina'añao, guaha guinaiya
(Despite fear there's love)

Ta Hungok
Ta Li'e'
Ta Siente
Manchinalalani hit mo'na ni' guinaiya

Sinahi
Pa'go i tinituhon i manmamaila na tiempo
(Our future begins now)
Ti mǎpko' i estoria-ta
(our story is not over)
Mata'ta'chong gi apǎga ni manmof'ona ki hita
(Sitting on the shoulders of those before us)
Gi lin'li'e mas mo'na
(Seeing further)
Gi dinanña', minataknga, ginefpa'go, minetgot
United, resilient, beautiful, strong

Ta Hungok
Ta Li'e'
Ta Siente

Este un pǎtte ha' gi hinanao-ta
Ta tungo' na i taotao-ta
Manchinalalani hit mo'na ni guinife-ta